

commissione alienarum paroeciarum, clare dicit paulo infra latina expressione: »Exstant ad praesens in tota dioecesi XII fratrum praedictorum coenobia singulaque ecclesias matrices habent, aliasque plures iisdem unitas, in quibus divina officia ritu romano, latinoque idiomate, peraguntur, ac sacramenta ministrantur, cum parochialis cura animarum non in praedictis solum monasteriis, sed et in caeteris omnibus parochialibus ecclesiis dicti episcopatus per fratres eosdem tantummodo exercetur«. ¹³³ Ipse episcopus Ogramić, qui iura ad parochias defendebat, in sua relatione, exarata tempore supra enarratae controversiae, non aliter loquitur. Sic enim, enumerato numero conventuum, continuat: »supponendum duo de praeteritis conventibus (Rama et Srebrenica) non habere in hac dioecesi formales parochias pro quibus episcopo subministrarent sacerdotes ad earum curam; caeteri octo sic sunt in hac dioecesi dispositi, ut quisque eorum obtinuerit aliquot pro se parochias, quarum provenitu et fructu annali se ipsum et fratres suos sustinet«. ¹³⁴ Hieronymus Pastritius unionem parochiarum in Bosna cum respectivis eorum conventibus exaequat unioni paroeciarum earundem qualis in Italia invenitur »quando... parochia sit annexa alicui monasterio vel conventui regularium«. ¹³⁵ Ex qua paritate concludit ad eadem iura »prout practicatur in Urbe, ubi multae parochiales ecclesiae sunt annexae monasteriis et conventibus regularium«. ¹³⁶ Et ulterius ex ratione concessionis Eugenii IV a. 1446 ad parochiarum natura concludit: »et propter hanc causam istae parochiae unitae sunt monasteriis per seipsum et regularibus«. ¹³⁷ Nota, hic

¹³³ Fermeđžin, Acta Bosnae, 479, n. 1420.

¹³⁴ Jelenić, Spomenici, Starine, XXXVI (1918), 133.

¹³⁵ Ibidem, 153.

¹³⁶ Ibidem, 153.

¹³⁷ »Nec obstant verba in corpore privilegii supra dicti apposita, scilicet donec et quousque sedes apostolica aliud supra hoc duxerit ordinandum, quia adhuc sedes apostolica nihil contrarium ordinavit et parochiales ecclesiae aliis sacerdotibus non possunt conferri, dum in regno Bosnae nullus sacerdos saecularis reperitur et ecclesiae nullos redditus habent, praeter tenuissimas eleemosynas, quibus sustententur fratres, ecclesiae et monasteria et propter hanc causam istae parochiae unitae sunt monasteriis per seipsum et regularibus«. Jelenić, l. c. 158.